


quasi de ipsa nihil intelligant. Et ideo scriptum est, quod ipsa est forma mundi, in quo autem modo ordinata sunt elementa in mundo, de quibus omnia sunt generata, prout optime patebit, & declarabimus in capitulo sequenti.

*De forma minori, & de principiis naturæ mineralis simplicis per extremitates & media.*

C A P. III.

Cum de majori forma determinatum sit, postea descendendo de minori determinabitur. In qua sunt principia succedentia in opere naturæ magis propinqua secundum extremitates mediis



suarum operationum propinquiorum. Et cum dixerimus supra, quod principia sunt universaliter omnes extremitates, & omnia ipsarum media, hic dicimus, quod primum & principale medium extremum vel ex-

tremitas, sunt quatuor elementa superius dicta, quæ sunt extremitates elementatæ, & significantur per B. Secundum sunt vapores compositi ex ipsis elementis immediate de prima compositione naturæ, & sine medio dicti, significati per C. in quos vapores omnia corpora elementata resolvuntur, ad intrandum novam generationem. & velis hoc retinere & intelligere, quoniam generaliter tibi loquor, ad attingendum finem illius, quod perquiritur. Tertium est aqua clara composita ex dictis vaporibus per condensationem suæ naturæ, quæ venit in dictos vapores quatuor elementorum, & illa est res argento vivo magis propinqua, quod quidem reperitur supra terram currens & fluens. Et istud argentum vivum in omni corpore elementato succedente à materia aeris est proprie generatum. Et ideo ipsius humiditas est valde ponderosa, per aeritatem homogeniam, discurrentem per motum venti, per venas perforatas subterraneas, & cadit in mineris sulphureis

CAP.